



UNIVERSITÄTS-  
BIBLIOTHEK  
PADERBORN

**Winterheil (Sommerheil)|| Der Kleinen Catho-||lischen  
Postill/ Jacobi || Feuchthij/ Weyhbischoffs|| zu Bamberg/  
der H.|| Schrift D.||**

Darin[n]en kürztlich vn[d] Catholisch/|| alle Sontägliche Fest vn[d]  
Feyrtägliche|| Euangelien ...

**Feucht, Jakob**

**Cöln, M.D.XCV.**

**VD16 F 850**

Am Tag des H. Bischoues vnd Martyrers Maximiliani.

---

[urn:nbn:de:hbz:466:1-61414](https://nbn-resolving.org/urn:nbn:de:hbz:466:1-61414)

gesellen von dem Pfleger Fescennino gefangen. Nachdem sie nun mit feusten geschlagen/ ver-  
spenet/ gezeißet/ auch ein eysen Kost/ wilde  
Thier/ ein ferofen/ das Creuz vnd vil ande-  
re Marter vberwunden/ seynd sie alle drey ent-  
haupt worden/ haben also ihr herrliche Mar-  
ter vollendet. S. Dionysij leib richtet sich bald  
auff/ nam sein Haupt in die hend/ vnd trug es  
zwo meil/ zu dem ort da er ruhet/ biß daß der-  
selbig leib heimlich gen Regenspurg geführt/ vnd  
von Keyser Arnulpho in dem Kloster zu S.  
Haimeran begraben ward. Der andern leiber  
aber ruhen in Frankreich in S. Dionysij Klo-  
ster. Diser Dionysius hat vil hochsinnreiche  
Bücher geschriben/ vnd gibt zeugnuß/ daß er bey  
der begräbnuß MARIAE der Mutter GOTTES  
gewesen sey/ welcher jekund GOTT für vns  
bittet.

**E** Vangelien vnd Predigen/ wie an  
der Befegung Pauli/ Georgij/  
Marci/ Stephani/ Laurentij/2.

Am Tag des heiligen Bischoues  
vnd Martyrers Maximiliani/ zum  
theil zu Passaw vnd Wien  
feyerlich.

Am 12. tag  
Octob.

**S** ist heut der tag des heiligen  
Laureacensischen Bischoffs vnd  
Martyrers Maximiliani/ der vil  
vnglaubigen zu Christo bekert. Hat  
zur

zur zeit des Keyfers Cari vnd Numeriani/ zu  
Seila in seinem vatterland/ die kron der Mar-  
ter erlangt. Ist darnach von dem Herkog von  
Beyern gen Passaw gefürt/ alda er in grossen  
ehren gehalten wirdt.

**E** Bangelium vnd Predigen/ wie/  
hieuor von Sanct Dionysio ver-  
merckt.

Am Tag des H. Bischoues Sim-  
perti/ zum theil im Augspurgischen  
Bistumb feyerlich.

Am 13. tag  
Octob.

**S** Gut ist der Geburts tag des heil-  
ligen vñ berümpften Bischoffs vnd  
Beichtigers Simperti. Der von  
Edlen Eltern geboren/ sein Vate-  
ter war ein geborner Herkog in  
Lothringen/ Ampertus genant/ sein Mutter  
aber des Keyfers Caroli Magni Schwester/  
Symphoriana genant. Ward von jugent auff  
in allen Tugenten auffgezogē/ auch in dem Klo-  
ster Morbach S. Benedicts Ordēs ein Mönch/  
vnd darnach ein Abt/ regiret dasselbig Kloster  
vil Jar gar löblich. Ist darnach von Carolo  
Magno zum Bischoff gen Augspurg gesetzt/ vnd  
von Papst Leone bestetigt worden. Hett grossen  
fleiß die Laster außzurentē/ Tugent zu pflanzen/  
die Gottsheuser zu fürsehen/ den Armen in nö-  
ten beyzustehen/ Witwen vnd Waisen zu be-  
schützen. Bauwet/ bessert/ erweitert vnd mehret  
vil